



## AVIZU KONKURSU PÚBLIKU

Komisaun Funksaun Públika, tuir forma Dekretu Lei no. 34/2008, 27 loron Agostu. Ho redasaun husi Dekretu Lei no. 22/2011, loron 8 Juñu, konabá Rejime Konkursu, Rekrutamentu, Selesaun, Nomeasaun no Promosaun Pesoal iha Administrasaun Públika ne'ebé foó biban ho prosedimentu sira atu loke konkursu públiku tuir avizu konkursu públiku iha Prokuradoria Jerál Repúblika.

Referénsia	Ref. Nú CPI/51/2022
Titulu ba pozisaun	Ofisial média
Grau kategoria	Grau : E / Tékniku administrativu
Instituisaun	Diresaun Informasaun no Komunikasaun Prokuradoria Jerál Repúblika
Responsabilidade ba	Departamentu : Komunikasaun no Imprensa
Saláriu mensal :	US\$ 204
Númeru ba vaga :	1 (ida)
Relasaun júridika ba empregu :	Permanente
Tipo konkursu ba :	Públiku
Métodu selesaun karáter eliminatóriu:	1. Avaliasaun kurikular
	2. Prova eskrita liu husi ezame sistema elektronika
	3. Entrevista profesional.
Hato'ó relatóriu ba:	Xefe Departamentu Komunikasaun no Imprensa

### A. Deskrisaun konteúdu funksional husi pozisaun:

Ofisial média hala'ó serbisu tutela ba Xefi Departamentu Komunikasaun no Imprensa ho funsaun sira hodi fo apoiu serbisu ba Diresaun Informasaun no Komunikasaun. No iha responsabilidade hodi apoiu serbisu administrasaun hotu iha Departamentu Komunikasaun no Imprensa iha Prokuradoria Jerál Repúblika no iha orientasaun husi Xefe Departamentu Komunikasaun no Imprensa hodi aseguara katak sira tenke halo tuir Lei, regulamentu no prosedimentu sira iha Prokuradoria

Jerál Repúblika no mós Lei Nu : 05/2014 19 Novembro, konabá Lei Komunikaun Sosial no Lei Funsun Públika.

## **B. Responsabilidade sira ba pozisaun:**

1. Hatoman-an ho nosaun sira desiminasun informasaun nian, liu husi kanál komunikaun hotu-hotu;
2. Asegura Ministériu Públiku atu bele kontrola divulgasaun ba ninia lia menon;
3. Klasifika via komunikaun sira ne'ebé mak eziste entre Ministériu Públiku rasik no parseiru sira;
4. Kria no implementa planu tuir nesesidade Ministériu Públiku nian;
5. Identifika no simplifika lia menon ne'ebé Ministériu Públiku hakarak atu fó hatene ba parseiru xave sira (ba funsionáriu sira iha Ministériu Públiku nian, nune'e mós ba parseiru sira husi liur);
6. Prepara imajén ka fotografía ba uza ofisiál Ministériu Públiku nian;
7. Halo kobertura ba atividade Ministériu Públiku tuir órariu;
8. Rekolha informasaun husi website no informasaun seluk ne'ebé relevante hodi prepara ba produsaun buletin Ministériu Públiku nian;
9. Asegura seguransa informasaun konfidensial;
10. Aleinde serbisu sira iha leten, hala'o mós serbisu seluk ne'ebé superiór fó ka atribui ba.

## **C. Rekezitu sira ba selesaun:**

### **1. Rekezitu fundamental**

Tuir artigu 14, Lei N<sup>o</sup>. 8/2004 loron 16 fulan Juñu Estatutu Funsun Publika no alterasaun ba Lei N<sup>o</sup> 5/2009, aplikante sira tenke:

- a) Sidadaun Timor Leste;
- b) Mínimu tinan 17 no máximu tinan 55;

- c) Laiha istoria hahalok kriminal ne'ebé bele rezulta ba pesoal ne'e hetan sentensa tama kadeia tinan rua ka liu, no nunka halo buat ruma ne'ebé konsidera inkompativel ho funsaun sira ne'ebé nia sei hala'o iha administrasaun pública;
- d) Antes ne'e nunka hetan demisaun husi instituisaun estadu ruma;
- e) Prontu atu serbisu iha ne'ebé deit iha parte teritóriu Timor Leste nian ka halo ofisial misaun iha tasi balu;
- f) Prontu hodi hala'o viazen iha rai laran no mos iha tasi balu;
- g) Iha saúde diak no kondisaun física no mental diak hodi bele hala'o funsaun ne'ebé nia konkore ba;
- h) Hatudu katak iha kapasidade (hakerek ho koalia) iha kualker lian ida husi lian ofisial rua ne'e (Tetúm ka Portugues) no hatene Inglés sai vantajen diak.

## **2. Rekezitu obrigatoriu**

Minímu diploma Sekundáriu ne'ebé hetan ona rekoñesimentu husi Ministériu Edukasaun iha Timor Leste.

## **3. Rekezitu Selesaun sira konabá kualifikasaun, habilidade adisional, kompeténsia no esperiénsia espesifiku ba pozisaun ne'e:**

- a) Mínimu iha esperiénsia serbisu tinan 2.
- b) Banati tuir Lei, politika no prosedimentu sira iha administrasaun pública Timor Leste, liu-liu Estatutu Ministériu Públiku no Estatutu Funsan Publika;
- c) Hatudu kapasidade atu hametin relasaun no ambiente ne'ebé diak ho funsionáriu sira iha Departamentu / ekiparadu sira seluk iha Prokuradoria Jerál Repúblika;
- d) Iha abilidade komputador diak, liu-liu Microsoft Word, Excel, PP no Acces;

- e) Demonstra koñesimentu no abilidade hirak ne'ebé nu'udar rekezitu kompetensia no responsabilidade sira ba pozisaun nian;
- f) Hatudu katak iha kapasidade (kompriende, koalia no hakerek) iha kualker lian ida husi lian ofisial rua ne'e (Tetúm ka Portugues) no hatene lian Inglêz nu'udar vantajen diak.

#### **4. Preferênsia rekrutamentu sira:**

Apontamentu sei determina husi méritu. Aplikante sira ne'ebé iha valór finál hanesan, no preferênsia sei fó liu ba aplikante sira ne'ebé:

- Feto;
- Tinan entre 20 ho 35.

#### **D. Kompozisaun júri**

Painel júri ba konkursu no selesaun sei kompostu husi:

1. Sr. Noemio da Silva, husi PJR, Prezidente júri
2. Sra. Anabela da Costa Lesu, husi PJR, vogal
3. Sr. José Manuel Soares, husi PJR, vogal
4. Sr. Delfim Leitão, husi KFP, vogal
5. Sra. Santarina Xavier Rosário, husi KFP, vogal
6. Sr. Edilson Manuel Alain Ximenes, husi PJR, suplente
7. Sr. Valentino Moniz Barreto, husi PJR, suplente

#### **E. Materia sira ba prova (Prova eskrita & entrevista)**

##### **1. Materia jerál (25%)**

- Konstituisaun RDTL;
- Lejislasaun Funksaun Públika;
- Istória Timor Leste;

## **2. Materia Espesifiku (75%)**

- Dekretu Lei no. 6 / 2010, loron 14 Abril, altera ba Dekretu Lei no. 24 / 2017, loron 19 Julhu ;
- Lei 14 / 2005, loron 16 Setembru, altera ba Lei 11 / 2011, loron 28 Setembru, konabá Estatutu Ministériu Públiku;
- Dekretu Lei Jestaun Orsamentu Públiku nian;
- Matematika & estatistika bázika;
- Dominiu téknolojia informátika bázika;
- Deskrisaun serbisu nian vaga ka pozisaun sira ne'ebé mak konkorente sira konkore ba;
- Proficiência komunikaun eskrita no oral iha lian Tetum no Português no koñesimentu lian Inglés;
- Atu hetan informasaun konabá lei sira iha leten bele buka iha website Jurnal Repúblika;

## **F. Sistema klasifikasaun finál**

1. Métopu selesaun koresponde ba análiza kurrikular, verifikasaun referénsia pesoal, prova eskrita no entrevista.
2. Kalkulasaun eskala média ba prova eskrita husi pontu 0 to'o 100, sei konsidera kandidadu ne'ebé hetan pontu 60 ba leten mak bele kontinua ba faze entrevista finál.
3. Kandidatu ne'ebé hetan valór bo'ot liu mak okupa vaga / fatin refere.

## **G. Dokumentu ne'ebé tenki aneksu ba prosesu selesaun :**

1. Karta aplikasaun diriji ba **Prezidente júri, Noemio da Silva**, tuir termu referênsia ba vaga ne'ebé mak kandidatu aplika.

2. Kurikulum vitae / CV tenke hakerek ho lian Tetúm ka Português no tenki asina husi rekerente, mínimu iha testemunha na'in rua (2) kompletu ho sira ida-idak nia númeru kontaktu ;
3. Foto kopia kartaun eleitoral no billeti identidade (BI) validu;
4. Foto kopia sertifikadu habilitasaun literaria ka professional / diploma (legalizadu orijinal);
5. Foto kopia sertifikadu formasaun profesional karik iha ;
6. Atestadu médiku (orijinal);
7. Kopia sertidaun RDTL;
8. Sertidaun rejistu kriminal ka Bom Comportamento;
9. Karik funsionáriu públiku, tenki apresenta karta deklarasaun livre prosesu dixiplinar husi KFP;
10. Dokumentu hotu hatama iha **map / envelope ko'or (kinur)** no hakerek naran aplikante no área especialidade inklui númeru referênsia.
11. Anunsiu konkursu ne'e loke hahú lora 17 fulan Maiu tinan 2022 no sei remata iha lora 31 fulan Maiu tinan 2022, husi tuku 09.00 - 16.30 OTL.
12. Prosesu selesaun ida ne'e eliminatóriu. Tan ne'e, falha submete dokumentu lakompletu tuir rekizitu sira hanesan mensiona iha leten sei rezulta aplikasaun "**deskualifikadu**",
13. Enkoraja tebes ba joven fetu sira atu bele mai aplika ba vaga pozisaun ne'e.
14. Data teste eskrita no entrevista sei fo'o sai ho oráriu ba kandidatu sira ne'ebé kualifikadu iha prosesu selesaun dokumentu aplikasaun sira;

15. Púplikasaun rezultadu: lista kandidatu admitidu ba konkursu no lista klasifikasaun finál sei taka iha kuadru avizu Prokuradoria Jerál Repúblika, Prokuradoria Distritál sira no Komisaun Funsau Públiku.
16. Submisaun dokumentu ba pessoal Rekursu Humanu Departamentu Rekrutamentu no Formasaun, Diresaun Administrasaun no Rekursu Humanu iha Prokuradoria Jerál Repúblika, Colmera Dili, no Prokuradoria Distritál Baucau, Prokuradoria Distritál Suai no Prokuradoria Distritál Oecusse.

**Dili, lora 16 fulan Maiu tinan-2022**

  
**Noemio da Silva**  
**Prezidente júri**

